



Íslenski Söfnuðurinn í Noregi
Den Islandske Menighet i Norge

Skýrsla sóknarprests

Safnaðarstarf Íslenska safnaðarins í Noregi



Sr. Arna Grétarsdóttir

Aðalfundur 24. apríl 2016



Efnisskrá

INNGANGUR	3
PRESTSPJÓNUSTA	4
GUÐSPJÓNUSTUR, HELGIHALD OG ATHAFNIR	4
SÁLGÆSLA OG KÆRLEIKSPJÓNUSTA	5
FRÆÐSLA OG NÁMSKEIÐ	6
UPPLÝSINGAMÁL, SAMSTARF OG FUNDIR	7
BARNA- OG UNGLINGASTARF	8
SUNNUDAGASKÓLI	8
UNGLINGASTARF	9
STARF 60 ÁRA OG ELDRI	10
LISTANEFND	11
HLUTVERK OG VERKSVIÐ	11
IN MEMORIAM 22. OKTÓBER ÁR HVERT	12
AÐVENTUHÁTÍÐ Í ÓSLÓ	12
JÓLAMESSUR Í STAVANGER, BERGEN, ÞRÁNDHEIMI, KRISTIANSAND OG DRAMMEN.	12
ÝMIS ÖNNUR MÁL OG HUGMYNDIR SEM UNNIÐ VAR AÐ.	13
ÓLAFÍUSJÓÐUR	14
FUNDIR	14
ÚTHLUTUN	14
FJÁRHAGSSTAÐA SJÓÐSINS	14
FRAMLÖG TIL SJÓÐSINS	14
KOSNING VARAMANNS Í SJÓÐSTJÓRN	14
AÐ LOKUM	15
VIÐAUKI 1. SKIPULAGSSKRÁ ÓLAFÍUSJÓÐS ÍSLENSKA SAFNAÐARINS Í NOREGI	16
VIÐAUKI 2. TILLAGA UM BREYTINGAR Á SKIPULAGSSKRÁ ÓLAFÍUSJÓÐS	17
VIÐAUKI 2. SKIPULAGSSKRÁ LISTANEFNDAR ÍSLENSKA SAFNAÐARINS Í NOREGI	18
VIÐAUKI 3. TILLAGA: TÓNLISTARMÁL SAFNAÐARINS	19
TILRAUNAVERKEFNI TIL TVEGGJA ÁRA	19



Inngangur

“Fel Drottni verk þín og þá bera áform þín árangur.”

(Orðskviðirnir 16.3.)

Þessi orð úr Orðskviðunum hafa verið greipt í hjarta mér í þjónustu minni við Íslenska söfnuðinn í Noregi. Eftir nær áratuga þjónustu við Íslendinga í Noregi tek ég við nýjum verkefnum á akri Drottins heima á Íslandi. Ég bið ykkur kæra samstarfsfólk að íhuga þetta góða vers og taka með ykkur inn í nýja tíma. Að hvíla í hendi Guðs í von og kærleika um að Drottinn muni vel fyrir sjá er mikil trúargjöf sem mér hefur verið gefin og stendur til boða öllum þeim sem þiggja vilja. Þetta er svo augljóst í mínum huga, því það hef ég reynt sjálf, að við megnum ekkert í eigin mætti. Þegar hart blæs í lífi einstaklinga og samfélags og í því að leiða stóran söfnuð hefur skipt mestu að eiga trú í hjarta, stöðugt bænalið og kærleiksrika samverkamenn. Það er fyrir leiðsögn anda Guðs sem skapar og endurnýjar sem þessi söfnuður hefur vaxið og dafnað og við biðjum þess áfram að eyrun heyri leiðsögn skapara okkar og frelsara.

Ólafía Jóhannsdóttir átti lifandi trú á Jesú Krist frelsarann góða sem leiddi hana í hennar störfum á strætum Óslóar meðal ógæfukvenna. Hún setti traust sitt, trú og von á frelsarann Jesú Krist og í þeim tengslum fékk hún kraft til starfanna í þágu kvenna. Sú fyrirmynd sem hún var í þeim efnum er okkur sem skoðum sögu hennar ómetanleg.

Ég vil í þessu sambandi benda ykkur á, sem ekki hafið lesið ævisögu Dr. Sigríðar Dúnu Kristmundsdóttur um Ólafíu, að hægt er að fá þá bók lánaða eða keypta í Ólafíustofu.

Íslenski söfnuðurinn ákvað á aðalfundi árið 2009 að heiðra minningu Ólafíu með því að stofna hjálparsjóð í hennar nafni. Það má segja að það hafi verið fyrsta skrefið sem söfnuðurinn tók í þá átt að minnst hennar, þó hátíð hafi verið haldin hér í Osló henni til heiðurs einhverjum árum fyrr, þá getur söfnuðurinn því miður ekki eignað sér það framtak. Þið sem ekki þekkið til þá höfum við einnig nefnt safnaðarheimilið eftir henni og Ólafíurósinn er rissuð upp eftir hálsmeni sem Ólafía bar við hátíðleg tækifæri. Þessa rós má nú sjá sem tákni safnaðarins bæði í höklum og stólu og lógói.

Þannig höfum við hér reynt að lyfta nafni Ólafíu með því að benda á störf hennar og baráttu í lífi öllu, að hennar verði minnst sem þeirrar trúkonu sem var innblásin baráttuanda til góðra verka.

Megi augu og trúarhjarta Ólafíu sem sáu og heyrðu og vörðu þau minnstu og hröktu í samfélaginu verða okkur leiðarljós í safnaðarstarfinu öllu.



Íslenski söfnuðurinn í Noregi er einn af fjölmörgum söfnuðum Þjóðkirkju Íslands og fær fjármagn til safnaðarstarfsins í gegnum norsk sóknargjöld, frá ríki og sveitafélögum. Við erum lánsöm og njótum mikilla forréttinda að hafa fé til að boða trú á frelsarann Jesú Krist. Á árinu var farið vel yfir alla meðlimaskráningu, fundað var með lögfræðingum og fylkismanni og komist að þeirri niðurstöðu að söfnuðurinn og sóknarmannatalið er vel unnið og farið eftir þeim lögum sem um söfnuði gilda og þeim reglum og leiðbeiningum sem komið hafa frá norskum yfirvöldum. Í þessu sambandi hefur samstarf milli norrænu þjóðkirkjusafnaðanna sem starfa í Noregi eflst og mikil vinátta myndast við þessa yfirferð um feril inn- og útskráningar. Söfnuðurinn nær yfir stórt og yfirferðarmikið land og þjónustan markast af þeim landfræðilegu aðstæðum.

Sr. Ása Laufey Sæmundsdóttir sem áður starfaði sem fræðslufulltrúi var vígð til prests í Dómkirkjunni í upphafi árs 2015. Hún gegnir nú 50% prestsstarfi og 50% fræðslufulltrúa starfi við söfnuðinn. Helstu verkefni hennar er að hafa umsjón með barna- og unglingastarfi safnaðarins, ásamt því að vera innan handar í öðru safnaðarstarfi. Eins hefur hún tekið yfir á sitt borð messuhald í Bergen, Stavanger og Tromsø. Inga Erlingsdóttir ritari safnaðarins þekkjum við vel eftir áralanga þjónustu við söfnuðinn og sinnir hún víðtæku starfi, allt frá því að borga reikninga, sinna bókhaldi, svara í síma og taka á móti fólki sem kemur í kaffi í Ólafíustofu. Sr. Jóhanna I. Sigmarsdóttir fyrrverandi sóknarprestur og prófastur á Eiðum var kölluð til þjónustu við söfnuðinn í byrjun árs í veikindaleyfi undirritaðrar.

Að fá að starfa með þessum öndvegis konum hefur verið mér bæði gæfa, gleði og hvíld.

Í sóknarnefnd situr gott og metnaðarfullt fólk sem hefur sýnt ábyrgð og hæfileika til að stýra söfnuðinum með festu til góðra verka. Skilningur sóknarnefndarfólks á safnaðarstarfinu er djúpur og einlægur en það getur skipt sköpum fyrir söfnuð að hafa fólk í brúnni sem á sér trú í hjarta og sér og heyrir með augum og eyrum kærleikans.

Prestsþjónusta

Guðsþjónustur, helgihald og athafnir

Guðsþjónustuhald var á 10 stöðum árið 2015. Þeir staðir sem messað var á eru: Ósló, Drammen, Kristiansand, Stavanger, Bergen, Þrándheimur, Tromsø, Sandefjord, Fredrikstad, og Ísland (Fermingarmessa á Seltjarnarnesi). Haldnar voru 32 guðsþjónustur og 21 bæna- og/eða helgistundir og 84 sunnudagaskólar um landið. 4250 sálir sóttu helgihald safnaðarins á árinu þar sem talið var. Árið 2015 voru skírð 12 börn, í kirkjum og heimahúsum. Hjónavígslur voru 3 og 6 útfarir/minningarathafnir. 46 börn voru skráð í *fermingarfræðslu* safnaðarins veturinn 2014-15 og á árinu 2015 voru fermd 25 börn í þremur athöfnum (Ósló, Bergen og Seltjarnarneskirkju).



Hluti fermingarbarnanna fermist á Íslandi hjá prestum á fyrri heimaslóðum fjölskyldanna. Þetta er gert í góðu samstarfi og gefa prestar út vottorð um að fermingarfræðslu sé lokið eða muni ljúka hjá söfnuðinum í Noregi.

Við skipulag á guðsþjónustunum eru *tengiliðirnir eða safnaðarfulltrúarnir út um landið* ómissandi sem fyrr. Það er mjög misjafnt hvert hlutverk þeirra er eftir stöðunum, enda aðstæður oft ólíkar staða á milli. Sem dæmi um þjónustu má nefna m.a að bóka kirkju, auglýsa helgihaldið í nærsamfélaginu, baka og þrifa, halda utan um messukaffið í samstarfi við Íslendingafélögin, lesa ritningarlestra í messum og vera presti innan handar með ýmislegt sem komið getur upp. Safnaðarfulltrúarnir sinna sjálfboðinni þjónustu. Þeim er boðið að taka þátt í aðalfundarstörfum safnaðarins á hverju vori. Hér verður einnig að minnast á kórastarfið sem fer vaxandi meðal Íslendinga í Noregi. Nú eru starfandi 3 kórar, Ískórinn í Ósló, Sönghópurinn í Bergen og Kór Kjartans í Þrándheimi. Nú hefur borist beiðni um aðstoð við að setja á laggirnar kór í Stavanger. Þessir kórar hafa allir gegnt hlutverki kirkjukórs í messuhaldinu á árinu en starfa þó sem sjálfstæðar einingar.

Safnaðarstjórn/Sóknarnefnd fór með prestum í messu- og vinnuferð til Þrándheims í mars. Haldinn var heilsdags vinnufundur á laugardeginum og tekið þátt í messuhaldinu á sunnudeginum í Bakke kirkju. Tilgangurinn með þessum ferðum er að sóknarnefnd nái heilum vinnudegi til uppgjörs s.l árs og til að marka stefnu til þess næsta og þá um leið undirbúa aðalfundinn. Annað markmið og tilgangur þessara messu- og vinnuferðar sóknarnefndar er að kynnast heimafólki og starfi safnaðarins um landsbygðina. Þetta er mikilvægur þáttur sem fer þá aðallega fram í messuhaldinu og spjalli í kirkjukaffinu á eftir.

Aðventuhátíðin í Ósló var með glæsilegasta móti. Listanefnd hafði veg og vanda að allri umgjörð og Hjörleifur Valsson sem hefur verið prestum innan handar er varða kirkjutónlistarmál hefur verið ómetanleg stoð og stytta og þá sér í lagi fyrir nývígðan prest eins og kom fram í erindi á örþingi um tónlistarmál. Nánar má lesa um dagskrá aðventuhátíðar í kafla listanefndar.

Sóknarprestur hefur getað leitað til íslenskra presta sem starfandi eru hjá Norsku kirkjunni til að taka einstaka guðsþjónustu eða athöfn. Við vígslu prests á árinu er ekki sú þörf sem áður var fyrir afleysingu sem þessa. Verkaskipting og skipting frihelga hefur verið með því móti að hægt hefur verið að sinna að mestu þeim þjónustubeiðnum sem borist hafa frá okkar borði.

Sálgæsla og kærleiksþjónusta

Prestar safnaðarins sinntu *sálgæslu og kærleiksþjónustu* sem fyrr og fóru í 16 hús- og sjúkraitjani á árinu. 85 sálgæsluviðtöl voru veitt á skrifstofu/kirkjum eða hótélum og 138 símasálgæsluviðtöl voru veitt. Þá er ótalin sálgæsla sem veitt er í gegnum tölvupóstssamskipti. Sálgæsluteymi er starfandi um landið og hefur prestur samstarf við íslenskt fagfólk sem sinnir



kristinni sálgæslu eða meðferðarúræðum sem ekki verður með góðu móti sinnt nema á móðurmálinu. Fagleg handleiðsla og endurmenntun hefur verið hluti af sálgæsluvinnu prestsins og er nauðsynleg til að tryggja faglega þjónustu. Eygló Sigmundsdóttir sálfræðingur hefur sinnt sérstökum beiðnum frá prestum er varða einstök mál sem ekki verða með góðu móti unnin á sviði sálgæslunnar og þarfnast meðferðarfræðilegrar úrræða eða annarra þátta sem prestar meta.

Símatími sóknarprests er frá þriðjudegi til föstudags frá kl. 10-11 og mánudagar eru vikulegir frídagar. *Símatími prests* er alla daga nema þriðjudaga frá kl.14-15. Viðtalstímar á skrifstofu eða í síma eftir samkomulagi.

Fræðsla og námskeið

Lífsýn og trú er námskeið um eilífðarspurningarnar fyrir fullorðna var ekki haldið eins og áformað var.

Sjálfstyrkingarnámskeið fyrir konur er námskeið sem hefur fengið fastan sess í ársrútinu safnaðarstarfsins. Eygló Sigmundsdóttir sálfræðingur og sr. Arna Grétarsdóttir sömdu námskeiðið og hafa kennt það nú í 5 ár. Námskeiði var ekki haldið á árinu 2015.

Hjónanámskeið sem Eygló Sigmundsdóttir og sr. Arna Grétarsdóttir sömdu var haldið í mars 2016 í Ósló. Áformað er að halda áfram að bjóða upp á þetta námskeið.

Konur eru konum bestar er námskeið sem Margrét Ólöf Magnúsdóttir djákni hefur sérhæft sig í. Þetta námskeið á uppruna sinn í Noregi og var haldið í Sandefjord, Porsgrunn og Stavanger.

Árlegt leiðtoganámskeið var haldið fyrir sunnudagaskólaleiðtoga íslensku safnaðanna á Norðurlöndum og var skipulag og umsjón í höndum Íslenska safnaðarins í Noregi í samstarfi við fræðsluvið Biskupsstofu. Að þessu sinni var námskeiðið haldið í Skálholti á Íslandi. Fyrirlesarar voru sr. Arna Ýrr Sigurðardóttir og Lilja Björk Þorsteinsdóttir.

Námskeið fyrir ungleiðtoga var haldið í tengslum við fermingarfræðsluferð til Svíþjóðar. Þar fengu leiðtogaefnin bæði kennslu í fyrirlestrarformi og samtali ásamt verklegri æfingu á vettvangi. Góð aðstoð lærlinganna, áhugi þeirra og gleði var dýrmæt fyrir alla umgjörð fermingarnámskeiðsins.

Fermingarnámskeiðin eru tvisvar á ári, í maí og september. Þessi námskeið eru samstarfsverkefni Íslensku safnaðanna á Norðurlöndum. Farið er til Åh Stiftgaard i Svíþjóð þar sem staðurinn heldur vel utan um börnin og þau koma sæl og ánægð heim.



Upplýsingamál, samstarf og fundir

Fréttabréfið kemur út ár hvert í lok janúar og september. Hrafnhildur Brynjarsdóttir, grafískur hönnuður hefur sett upp fréttabréfið, en umsjón með útgáfunni er á hendi sr. Ásu Laufeyjar. Enn er fréttabréfið sent í bréfpósti en til stóð að gefa bara út rafræna útgáfu vegna heimilisfangalista sem erfitt er að uppfæra. Það er leitt þegar fólk sem vill fá fréttabréf fær ekki og eins ef fólk vill ekki fá fréttabréfið fær. Þetta er sístæð vinna við að gera heimilisfangalistann eins réttan og hægt er. Facebook síða safnaðarins "Íslenski söfnuðurinn í Noregi" ásamt facebook síðum fyrir sunnudagaskólana og æskulýðshópa virka vel til að auglýsa starfið. Einnig er facebook samskiptasíða notuð til samskipta við fermingarbörn og foreldra. Messuauglýsingar hafa verið settar inn á facebook síðu "Íslendingar í Noregi" og svo auðvitað inn á heimasíðu safnaðarins www.kirkjan.no.

Heimasíða og kynningarmál safnaðarins er sístætt verkefni sem alltaf er í hraðri þróun og allar góðar ábendingar og aðstoð vel þegin í þeim málum.

"Játning Ólafíu" Listanefnd ásamt Ólafíusjóðsstjórn í samstarfi við tónskáldið Gísli J. Grétarsson sótti um styrk til Det norske komponistfond til að semja kórverk við texta sem sr. Arna Grétarsdóttir hef valið að kalla "Játning Ólafíu". Textinn er þrykktur á glugga við skrifstofu ritara og prest. Úthlutaður styrkur fékkst að upphæð 40.000 til að semja verkið og skal því lokið og skilað til safnaðarins 19.júní 2016. Frumflutningur verksins er áætlaður 22. október 2016.

Játning Ólafíu

*Og hann lét lífsins ljós skína inn í dauðþreytta meðvitund mín,
gaf mér hið fólgni manna að eta,
sagði við mig, eins og hann einn getur sagt:
„Ég mun alls ekki sleppa þér og eigi heldur yfirgefa þig.“
- Á þeim stundum skildist mér
að það var ekki ég, sem hélt í hann,
heldur hann, sem hélt í mig.
Þá reyndi ég, að þótt móðir geti gleymt barni sínu,
þá gleymir hann ekki smælingjum sínum.¹*

¹ Ólafía Jóhannsdóttir biografi: Dr. Sigríður Dúna Kristmundsdóttir, Reykjavík, 2006. s. 381.)



Lýðveldishátíðin er haldin í samstarfi við Íslendingafélögin þar sem þess er óskað og mögulegt er að mæta. Hátíðarhöldin hefjast þá með guðspjónustu eða prestur flytur hugleiðingu sem er samofin hátíðardagskrá.

Samstarf við sendiráðsskrifstofu er mikilvægt þegar á reynir og tók nýr sendiherra við í Ósló Hermann Ingólfsson. Söfnuðurinn tók vel á móti honum og bað honum og fjölskyldu hans blessunar í messu í Nordberg kirkju. Honum og starfsfólki öllu er þakkað gott og mikilvægt samstarf. Söfnuðinum er boðið árlega að vera með við hátíðlega athöfn þegar Óslóartréð er fellt. Jólátréð er gjöf Óslóar til Reykjavíkurborgar og er tendrað á því fyrsta sunnudag í aðventu á lækjartorgi.

Það mikilvægt og gefandi fyrir presta að vera í góðu samstarfi við presta norsku kirkjunnar, þar sem allt guðspjónustuhald er háð því að fá inni í norskum kirkjum. Mikil og góð vinatengsl hafa myndast við sænska og finnska söfnuðinn. Sóknarprestar þessarar vinasafnaða hafa fundað og undirbúið sameiginlega messu. Eins var samkirkjulegur fundur haldinn í sænsku kirkjunni þar sem sóknarpresti Íslenska safnaðarins var boðið á fund með sænska biskupnum sem þá vísiteraði sænsku kirkjuna. Þess má geta að sameiginleg messa safnaðann var haldin í febrúar 2016 í Margaretakirkjunni.

Sóknarprestur var beðinn um að halda fyrirlestur um Ólafíu Jóhannsdóttur á seminari sem bar heitið "Glemte pionerer" á vegum Stiftelsen Nasjonalt Medisinsk Museum. Fullur salur norðmanna mætti til að kynnast þessari merku konu betur og sumir voru að heyra um hana í fyrsta sinn.

Sóknarprestur sótti 65 fundi á árinu í tengslum við safnaðarstarf allt og prestspjónustu ásamt því að sinna 17 fyrirlestrum, námskeiðum og annarri fræðslu.

Barna- og unglingastarf

Sunnudagaskóli

Sunnudagaskólar Íslenska safnaðarins í Noregi eru starfræktir víðsvegar um landið. En á síðasta ári voru 84 sunnudagaskólar alls. Fastir sunnudagaskólar eru í Ósló, Drammen, Fredrikstad, Sandefjord, Kristiansand, Kristiansund, Bergen og Stavanger en einnig hafa verið sunnudagaskólar í Þrándheimi og Tromsø þegar guðspjónustur hafa verið haldnar á þeim stöðum. Öflugir leiðtogar leiða sunnudagaskólann en það eru Hrefna Grétarsdóttir, Heiðrún Jónsdóttir, Ruth Rúnarsdóttir, Rebekka Ingibjartsdóttir og Ása Laufey Sæmundsdóttir í Ósló. Hrefna Grétarsdóttir, Ruth Rúnarsdóttir og Leópold Hjörleifsson í Drammen, í Sandefjord og Kristiansand eru Margrét Ólöf Magnúsdóttir og Benedikt Grétar Ásmundsson. Í Kristiansund eru



Þær Sigurborg Bjarnadóttir og Guðbjörg Sigurbjörnsdóttir leiðtogar sunnudagaskólans. Í Bergen hafa Helga Sigríður Þórsdóttir, Rebekka Ingibjartsdóttir og Ingibjartur Jónsson séð um starfið, en þau fluttu til Íslands s.l. sumar. Gígja Guðbrandsdóttir, Ólöf Halldóra Þórarinsdóttir og Valur Guðjón Valsson tóku við sunnudagaskólanum í Bergen haustið 2015. Fyrri hluta árs var Anna María Proppé og Kolbrún Edda Gísladóttir með sunnudagaskólann í Stavanger en Þórunn Ágústa



Þórsdóttir tók við sunnudagaskólanum þar á haustmánuðum 2015 ásamt Kolbrúnu Eddu. Margrét Guðmundsdóttir og Helma Ýr Helgadóttir sjá um sunnudagaskólann í Fredrikstad. Í Þrándheimi hefur Elín Soffía Pilkington verið leiðandi með sunnudagaskólann og Ása Laufey Sæmundsdóttir var með sunnudagaskóla í júní Tromsø.

Leiksýningin Hafðís og Klemmi og leynardómar háaloftsins, undir leikstjórn Þorleifs Einarssonar, kom í heimsókn í sunnudagaskólana í Osló, Bergen, Stavanger og Kristiansand á vorönn 2015. Hafðís og Klemmi eru þekktar persónur úr sunnudagaskólanum svo að það var eftirsóknarvert að fá þessa sýningu í sunnudagaskólann hjá Íslenska söfnuðinum í Noregi. Sýningin notar söguna um talenturnar úr Mattheasarguðspjalli til að benda okkur á misjafna hæfileika fólks og hvernig hver og einn getur nýtt hæfileika sína til góðs. Þetta var leiksýning með fallegan boðskap og miklum húmor sem höfðaði vel til bæði barna og fullorðinna.

Sunnudagaskólaefnið fyrir veturinn 2015-2016 er gefið út af Skáltoltsútgáfunni. Sunnudagaskólaleiðtogar styðjast við efni sem gefið er út á efnisveitu Þjóðkirkjunnar. Ásamt því nota sunnudagaskólaleiðtogar ÍSN, biblíustuttmyndir af DVD diskum sem Skálholtsútgáfan hefur gefið út, annars vegar „Daginn í dag“ með Hafðísi og Klemma og hins vegar „Holy Moly“.

Unglingastarf



Alls eru æskulýðshópar ÍSN fimm, þeir eru í Bergen, Stavanger, Osló, Fredrikstad og Vestfold. Í unglingastarfinu fá krakkarnir meðal annars tækifæri til að kynnst betur og viðhalda tengslum sem myndast hafa í fermingarfræðslu safnaðarins. Öflugir leiðtogar æskulýðsstarfsins halda uppi fjölbreyttu og skemmtilegu starfi fyrir unglingana en leiðtogar í æskulýðsstarfinu eru Ása Laufey Sæmundsdóttir, Ruth Rúnarsdóttir og Rebekka Ingibjartsdóttir, Leópolð Hjörleifsson og Guðjón Andri Reynisson. Ásdís Sjafnar Sigurðardóttir, Bjarki Bjarkason, Birta Rún Ingimundardóttir, Róbert Orri Óskarsson og Bryndís Guðbrandsdóttir í Stavanger. Rebekka Ingibjartsdóttir í Bergen. Margrét Guðmundsdóttir í Fredrikstad og Margrét Ólöf Magnúsdóttir á Vestfoldsvæðinu. Æskulýðsfundir eru að jafnaði mánaðarlega á öllum þessum stöðum en almennt hafa fundirnir verið tvisvar sinnum í mánuði í Osló og Stavanger. Alls voru



35 æskulýðsfundir á síðasta ári í safnaðarstarfinu okkar. Þátttaka hefur verið góð í öllum æskulýðshópum safnaðarins þar sem myndast hefur góður vinskapur meðal unglinga og leiðtoga. Markmið Æskulýðsstarfs safnaðarins er að styrkja vináttutengsl og rjúfa einangrun þeirra barna sem flutt hafa hingað til Noregs og eiga erfitt með að tengjast öðrum félagslega m.a. vegna tungumálsins. Hver fundur er skipulagður og auglýstur á heimasíðu okkar og/eða facebooksíðu safnaðarins og á facebooksíðunni „[www.facebook.com/æskulýðshópur Íslenska safnaðarins í Noregi](http://www.facebook.com/æskulýðshópur_Íslenska_safnaðarins_í_Noregi).“ Hver fundur endar á stuttri helgistund eða í bæn sem rammar inn stundina. Um 50-60 börn hafa verið að sækja fundina reglulega í æskulýðsstarfinu okkar um allt land. Unglingahóparnir taka ávallt vel á móti nýjum félögum.



Landsmót Æskulýðsfélaga Þjóðkirkjunnar (ÆSKP) var haldið dagana 23.-25. október s.l. í Vestmannaeyjum. Æskulýðshópur Íslenska safnaðarins í Noregi fór á landsmótið á Íslandi eins og hin fyrri ár en það var metþátttaka frá æskulýðshóp Íslenska safnaðarins í Noregi á mótið en 40 unglingar voru skráðir í ferðina og 7 leiðtogar sem fylgdu hópnum til Vestmannaeyja. Þema landsmóts var „geðveikt landsmót“ þar sem áhersla var á umræðu og fræðslu um geðheilbrigði. Frá árinu 2009 hefur verið góðgerðarþema á landsmóti þar sem þátttakendur safna fyrir ýmsum góðgerðarmálum. Að þessu sinni var safnað í Hemma- og Pollasjóð. Hemmasjóður styrkir börn og unglinga frá efnaminni fjölskyldum í íþróttastarf en Pollasjóður í tónlistarnám. Á landsmóti er fjölbreytt og skemmtileg dagskrá sem allir geta tekið þátt í sem bæði skapar góðar minningar og styrkir gott málefni á sama tíma. Ferðalagið gekk vel í alla staði þrátt fyrir erfiða en eftirminnilega sjóðferð frá Þorlákshöfn til Vestmannaeyja og ungmennin voru til fyrirmyndar og myndaðist góð stemmning í hópnum. Unglingarnir eru þegar farnir að skipuleggja ferðalagið á næsta landsmót sem haldið verður á Akureyri í október 2016.



Starf 60 ára og eldri



Starf 60 ára og eldri er haldið mánaðarlega í vetur en starfið hefst að hausti og lýkur með vorfagnaði í maí ár hvert, alls voru 9 fundir á árinu 2015. Við höfum hist í Ólafíustofu einn fimmtudag í mánuði þar sem málefni líðandi stundar eru rædd undir borðsamfélagi þátttakenda. Hver



stund hefst á helgistund áður en við setjumst við borðhaldið. Við höfum borðað saman heita máltíð í hádeginu einu sinni í mánuði og markmiðið hefur verið að bjóða upp á þjóðlega rétti, t.d salt kjöt og baunir, kjötsúpu og plockfisk svo eitthvað sé nefnt. Hin árlega hangikjötsveisla var haldin í janúar félagsheimilinu í Lambertseter en það mættu 48 manns og áttu góða stund saman. Góð þátttaka hefur verið á fundum 60 ára og eldri en almennt mæta um 15-20 manns í Ólafíustofu. Starfið hefur eflst og stækkað og er að einhverju leiti orðið sjálfbært þar sem þátttakendur taka virkan þátt í að koma á framfæri hugmyndum að dagskrá eða skipuleggja starfið að einhverju leiti. Osvald Kratsch hefur verið fræðslufulltrúa Ásu Laufeyju Sæmundsdóttur til halds og trausts við undirbúning fundanna ásamt Rebekku Ingibjartsdóttur sem hefur m.a. spilað sálma og lög á píanó og fiðlu á fundunum. Einnig hafa Fríða Gunnarsdóttir og Áslaug Thomsen verið virkar í sjálfbóðaliðabjónustu á fundunum við matargerð, undirbúning og frágang. 60 ára og eldri starfið blómstrar þar sem myndast hafa góð vináttutengsl. Nýjir félagar eru ávallt velkomnir og taka allir vel á móti þeim sem vilja kíkja til okkar í Ólafíustofu og eiga góða stund saman.

Listanefnd

Listanefnd íslenska safnaðarins í Noregi tók til starfa árið 2012 og er þetta því fjórða starfsár nefndarinnar. Það voru haldnir sex fundir í listanefndinni á árinu 2015. Í apríl lét Ingibjartur Jónsson gjaldkeri af störfum, og í hans stað var kosinn á aðalfundi safnaðarins Vignir Freyr Helgason arkitekt. Þröstur Eiríksson kantor og lektor í kirkjutónlist, fulltrúi skipaður af safnaðarstjórn, lét einnig af störfum í lok ársins. Í hans stað tilnefndi sóknarnefnd Margréti Backman landslagsarkitekt í Stavanger sem sinn fulltrúa í byrjun árs 2016. Sökum ófyrirjáanlegrar stöðu safnaðarins í byrjun árs 2015 var fjárveiting til listanefndar talsvert minni fyrir það ár en árið á undan. Nefndinni var veitt aukafjárveiting á miðju ári. Heildar fjárhagsframlag safnaðarins til listanefndar árið 2015 var því kr. 170.000. Ársútgjöld nefndarinnar fyrir árið 2015 voru vel innan þess ramma.

Hlutverk og verksvið

Hlutverk og verksvið nefndarinnar er að sjá um listviðburði á vegum Íslenska safnaðarins í Noregi. Gert er ráð fyrir að nefndin hafi aðkomu að listaviðburðum og hafi umsjón með sérlegum tónlistarflutningi t.d. í helgihaldi í samráði við sóknarprest. Listanefnd er líka hugsuð sem farvegur og vettvangur fyrir íslenska listamenn og aðra til að kynna list sína. Listanefndin er ólaunuð nefnd. Í skipulagsskrá listanefndar er að finna nánari skilgreiningu á hlutverki og verksviði nefndarinnar.



Listanefnd kom að þremur stórum listviðburðum á árinu 2015.

In memoriam 22. október ár hvert

Það er orðinn fastur liður að listanefnd bjóði upp á minningardagskrá á fæðingardegi Ólafíu Jóhannsdóttur þann 22. október ár hvert. In memoriam var að þessu sinni minnst með upplestri ljóða og tónlist. Rebekka Ingibjartsdóttir og Ottó Guðjónsson lásu ljóð og sálm. Ískórinn söng undir stjórn Gísla J. Grétarssonar kórstjóra. Minningarathöfn var í höndum Sr. Örne Grétarsdóttur og sr. Ásu Laufeyjar Sæmundsdóttur prest og fræðslufulltrúa. Heimildarmyndin um Íslenska söfnuðinn í Noregi og Ólafíu Jóhannsdóttur var einnig sýnd í annað sinn. “Kirkjuhvelfing” verk listakonunnar Málfríðar Aðalsteinsdóttur var einnig til sýnis og sagði hún stuttlega frá verkinu sem er úr íslenskri ull og hrosshári. Að dagskrá lokinni var boðið uppá kaffi og léttar veitingar. Það mættu tæplega 30 manns á minningardagskrána. Allir sem komu að dagskránni gáfu vinnu sína til minningar um Ólafíu.

Aðventuhátíð í Ósló

Að venju var haldin aðventuhátíð Íslenska safnaðarins í Ósló fyrsta sunnudag í aðventu (29. nóvember) að þessu sinni í Høvik kirkju í Bærum. Sr. Arna Grétarsdóttir var með hugvekju og Arnar Páll Michelsen formaður safnaðarstjórnar flutti ávarp. Eftirtaldir listamenn komu fram: Edda Björgvinsdóttir leikkona og skemmtikraftur var ræðumaður. Einsöngvarar voru Dóra Steinunn Ármannsdóttir sópran, Margrét Brynjarsdóttir messosópran, Daníel Daníelsson bassi og Eyjólfur Eyjólfsson tenór. Ískórinn söng undir stjórn Gísla J. Grétarssonar. Kammersveit skipuð eftirtöldum hljóðfæraleikurum lék undir; Hjörleifur Valsson 1. fiðla, Anna Hugadóttir víola, Rebekka Ingibjartsdóttir 2. fiðla, Jan Øyvind Grung Sture selló, Þröstur Eiríksson orgel. Konsertmeistari var Hjörleifur Valsson.

Í lok hátíðar var boðið upp á kaffi og meðlæti sem Íslendingafélagið í Ósló hafði umsjón með fyrir hönd safnaðarins. Eftir að aðventuhátíðinni lauk var aðstandendum hátíðarinnar og listafólki boðið í léttan kvöldverð í prestbústaðinn. Alls var 40 gestum boðið til kvöldverðar. Umbrotshönnun, prógram og kynningarefni fyrir aðventuhátíðana var unnið af Ásgeiri Jónssyni grafískum hönnuði í sjálfboðinni vinnu.

Jólamessur í Stavanger, Bergen, Þrándheimi, Kristiansand og Drammen.

Rúnar Guðmundsson tenór söng í jólamessunni í Bergen og Stavanger ásamt Sönghópnum í Bergen. Ómar Diðriksson söng og lék á hljóðfæri í jólamessunum í Þrándheimi, Kristiansand og Drammen ásamt Hjörleifi Valssyni sem lék á fiðlu. Hjörleifur Valsson hafði umsjón með tónlistarhaldi í öllum jólamessunum.



Á öllum stöðunum var boðið uppá kaffi og meðlæti sem Íslendingafélögin stóðu að fyrir hönd safnaðarins.

Ýmis önnur mál og hugmyndir sem unnið var að.

- Íslenski söfnuðurinn sótti um styrk í musikkfondene í október 2015, í nafni listanefndar, Ólafíusjóðs og sóknarprest. Umsóknin felur í sér tónsmíði “Játning Ólafíu” eftir Gísla J. Grétarsson tónskáld og kórstjóra Ískórsins. Ef ágóði verður af verkinu, gæti sá ágóði runnið til Ólafíusjóðsins.
- Í febrúar kom Listanefnd að tónleikahaldi kammerkórsins Hymnodiu, undir stjórn Eypórs Inga Jónssonar, í Gamle Aker kirkju í Ósló.
- Samið var við listakonuna Sigrúnu Stefaníu Jónsdóttur um kaup á listaverkinu „Milli himins og jarðar“ í Ólafíustofu. Listaverkið var afhent í janúar 2016 og var fundinn staður fyrir ofan píanóið í Ólafíustofu.
- Listanefnd hafði umræður um tónlistarstefnu safnaðarins ofarlega á sínu borði á starfsárinu 2015. Örþing var haldið um tónlistarstefnu safnaðarins með söngmálastjóra þjóðkirkjunnar, Margréti Bóasdóttur í janúar 2016. Tillaga um tónlistarmál var unnin og hefur verið send sóknarnefnd til afgreiðslu.
- Haldinn var samstarfsfundur með Ískórnum um tónlistarhald í messum og var almennur áhugi fyrir fleiri slíkum fundum í framtíðinni.
- Hugmyndir að innkaupum á fleiri listaverkum í Ólafíustofu voru ræddar, þ.á.m. málverk og skúlptúr. Einnig voru rædd kaup á altarisstjökum og skírnarfonti í Ólafíustofu.
- Á starfsárinu voru áberandi umræður um listanefnd sem vettvang til að veita íslenskum listamönnum tækifæri á að kynna list sína og koma sér á framfæri.

Allar fundargerðir listanefndar liggja frammi hjá ritara. Í viðauka er að finna tillögu um tónlistarmálin frá listanefnd til safnaðarstjórnar til kynningar á aðalfundi 2016.

Listanefnd vill þakka öllum velunnurum nefndarinnar, samstarfsólki og listamönnum samstarfið á árinu 2015. Sérstakar þakkir til Arnars Páls Michelsen formanns Íslenska safnaðarins og Ingu Erlingsdóttur starfsmanns á skrifstofu safnaðarins fyrir góða og ánægjulega samvinnu.

Með von um gott nýtt samstarfsár 2016.

Eygló Sigmundsdóttir formaður

Hjörleifur Valsson varaformaður

Vignir Freyr Helgason ritari

Pröstur Eiríksson meðstjórnandi

Sr. Arna Grétarsdóttir gjaldkeri



Ólafíusjóður

Fundir

Fundir voru 10 á árinu, ýmist í Osló, Reykjavík, með aðstoð síma eða Netsins.

Úthlutun

Orðið var við 9 umsóknum um aðstoð frá sjóðnum á árinu og nam heildarupphæð þeirra kr.80.669. 2 umsóknum var hafnað. **Auk þess var 30.000** frá safnaðarstjórn úthlutað til hjálparstarfs kirkjunnar á Íslandi í nafni Ólafíusjóðs. Styrkurinn var afhentur í apríl á yfirstandandi ári.

Fjárhagsstaða sjóðsins

Tekjur sjóðsins á árinu voru voru kr. 50.000 af vaxtatekjum safnaðar, greitt inn 9. des. 2015. Gjafir voru kr. **8187.-** Í sjóðnum við árslok 2015 voru **kr. 45.386.-**

Framlög til sjóðsins

Stjórnin vekur athygli á að þrátt fyrir verðfall norsku krónunnar, ekki síst gagnvart þeirri íslensku, hafa framlög til sjóðsins ekki hækkað til samræmis. Hins vegar hefur stjórnin talið nauðsynlegt að taka tillit til verðfallsins í úthlutunum sínum og óskar hér með eftir hækkun á framlögum safnaðarstjórnar til sjóðsins til samræmis.

Tillaga til breytingar á framlögum safnaðarstjórnar til Ólafíusjóðs:

Aðalfundur safnaðarins ákveður að hækka árleg framlög til Ólafíusjóðs.

Breyting við 3. gr. (feitletuð):

Til Ólafíusjóðs skal leggja **NOK 70.000** árlega og féið tekið af vaxtatekjum safnaðarins.....

Kosning varamanns í sjóðstjórn

Stjórnin samþykkti á fundi sínum 10 des. 2015 að leggja til við aðalfund safnaðarins breytingu á 4.gr. skipulagsskrár sjóðsins þess efnis að kjósa megí varamann í stjórnina. Tillagan er hér með lögð fram.

Tillaga til breytingar á 4.gr. skipulagsskrár Ólafíusjóðs.



Breyting við 4.gr. (feitletruð)

Sjóðurinn hefur þriggja manna stjórn og skal einn stjórnarmanna vera sóknarprestur safnaðarins. Hinir tveir eru kosnir á aðalfundi safnaðarins **og einnig einn varamaður**. Stjórnin skiptir með sér verkum.

Osló í apríl 2016

Stjórn Ólafíusjóðs,
Dr. Sigríður Dúna Kristmundsdóttir, formaður
Kristján Daðason, ritari
Sr. Arna Grétarsdóttir, gjaldkeri

Að lokum

Söfnuðurinn hefur vaxið og dafnað í takt við aðflutta íslendinga hingað til Noregs. Leitast hefur verið við að mæta þörfum safnaðarmeðlima eftir fremsta megni og innan þeirra ramma sem boðunar- og þjónustuhlutverk kristins safnaðar hefur. Nú hefst nýtt tímabil í lífi safnaðarins þegar velja skal nýjan skipstjóra til að sigla skútunni næstu árin. Þær breytingar sem söfnuðurinn fer í gegnum nú í sumar við prestaskipti verða án efa upptakur að nýrri uppskeru og nýjum verkum. Ég bið þess að þið takið með kærleika á móti nýjum þjóni af sömu gestrisni og ég fékk að finna við upphaf starfa minna hér. Við skulum leggja nýja tíma í Guðs hendur og hann mun vel fyrir sjá, eins og segir í Davíðssálmi 37:5.: *“Fel Drottni vegu þína og hann mun vel fyrir sjá”*.

Megi Guð leiða og blessa þau öll sem að starfinu koma og þjónustu þiggja um alla framtíð.

Guð blessi Íslenska söfnuðinn í Noregi.

*Arna Grétarsdóttir,
Sóknarprestur Íslenska safnaðarins í Noregi
Ósló 2016*



Viðauki 1. Skipulagsskrá Ólafíusjóðs Íslenska safnaðarins í Noregi

1.gr.

Hjálparsjóður fyrir nauðstadda Íslendinga í Noregi, Ólafíusjóður Íslenska safnaðarins í Noregi, var stofnaður á auka aðalfundi Íslenska safnaðarins í Noregi 4. október 2009. Heiti sjóðsins er til minningar um Ólafíu Jóhannsdóttur, sem hjálpaði nauðstöddum konum í Osló upp úr aldamótunum 1900. Ólafía var mikil trúkona.

2.gr.

Sjóðnum er ætlað að mæta tímabundnum erfiðleikum t.d. í tengslum við veikindi, dauðsfall eða önnur áföll sem dunið geta yfir einstaklinga og fjölskyldur. Einnig skal kanna þörf á úthlutun fyrir jólin. Sjóðsstjórn metur þörf hverju sinni.

3. gr.

Til Ólafíusjóðs skal leggja NOK 50.000.- árlega og féið tekið af vaxtatekjum safnaðarins. Sjóðurinn skal hafa eigin bankareikning. Sjóðnum er og frjálst að auglýsa eftir framlögum frá stofnunum, félagasamtökum, fyrirtækjum og einstaklingum. Sjóðurinn hefur einnig umsjón með framlögum safnaðarins til hjálparstarfs á Ísland, sem vistuð eru á sérstökum reikningi.

4.gr.

Sjóðurinn hefur þriggja manna stjórn og skal einn stjórnarmanna vera sóknarprestur safnaðarins. Hinir tveir eru kosnir á aðalfundi safnaðarins. Sjóðsstjórn skiptir með sér verkum.

5. gr.

Leggja skal inn skriflegar umsókn um styrk til sjóðsins og skal sjóðurinn hafa sérstakt póstfang. Með allar umsóknir skal fara sem trúnaðarmál.

6. gr.

Sjóðurinn skal hefja störf 1. nóvember 2009. Framlög til nauðstaddra Íslendinga í Noregi fyrir þann tíma teljast ekki til framlaga sjóðsins.

Osló, 28. október 2009
Samþykkt af safnaðarstjórn 14. júní 2010.



Viðauki 2. Tillaga um breytingar á skipulagsskrá Ólafíusjóðs

Breyting við 3. gr. (feitletruð):

Til Ólafíusjóðs skal leggja **NOK 70.000** árlega og féið tekið af vaxtatekjum safnaðarins.....

Breyting við 4.gr. (feitletruð)

Sjóðurinn hefur þriggja manna stjórn og skal einn stjórnarmanna vera sóknarprestur safnaðarins. Hinir tveir eru kosnir á aðalfundi safnaðarins **og einnig einn varamaður**. Stjórnin skiptir með sér verkum.



Viðauki 2. Skipulagsskrá listanefndar Íslenska safnaðarins í Noregi

§ 1 Hlutverk og starfssvið

Listanefndin heldur utan um allt listastarf á vegum safnaðarins. Það gerir hún með því að:

- Skipuleggja listviðburði í tengslum við helgihald.
- Hafa umsjón með tónlistarflutningi í helgihaldi þegar sóknarprestur óskar þess.
- Hafa umsjón með viðburðum skv. beiðni sóknarnefndar.
- Skipuleggja sjálfstæða listviðburði.
- Hafa umsjón með listmunum og listaverkum í eigu safnaðarins og vali á þeim.

Listviðburðir á vegum safnaðarins skulu vera farvegur fyrir íslenska listamenn og aðra til að kynna sig og list sína.

Nefndin skal í verkefnavali hafa að leiðarljósi kristilegan boðskap, gildi og siðferði.

§ 2 Starfsemi

Nefndin starfar með fjárframlögum frá sóknarnefnd skv. fjárhagsáætlun.

Nefndinni er heimilt að sækja um styrki til að fjármagna starfsemi sína.

§ 3 Skipan nefndar

Listanefnd saman stendur af fimm meðlimum Íslenska safnaðarins.

- Þrír skulu kosnir á aðalsafnaðarfundum til fjögurra ára í senn
- Einn er tilnefndur af sóknarnefnd til eins árs í senn
- Einnig situr sóknarprestur í nefndinni.

Óski nefndarmaður að hætta störfum í nefndinni skal nýr meðlimur kosinn í hans stað á næsta aðalsafnaðarfundum til fjögurra ára.

Samþykkt á aðalsafnaðarfundum 4. maí 2014.



Viðauki 3. Tillaga: Tónlistarmál safnaðarins

Tilraunaverkefni til tveggja ára

Hjörleifur Valsson hefur með óformlegum hætti starfað sem faglegur ráðgjafi tónlistarmála Íslenska safnaðarins í Noregi við presta safnaðarins. Í kjölfar fyrirspurnar er varðaði tónlistarstefnu safnaðarins sem kom fram á aðalfundi 2015 var lagt í þá vinnu að skoða kirkjutónlistarmálin frá grunni. Fundað hefur verið með söngmálastjóra Þjóðkirkjunnar, haldið sálmaseminar og örpung. Fundir haldnir með Ískórnum, listanefnd og prestum. Safnaðarstjórn vísaði því til listanefndar að koma tónlistarmálum safnaðarins í farveg og móta formlega tillögu um kirkjutónlistarmál safnaðarins. Niðurstaða þessarar vinnu síðasta árs og niðurstaða örpungs sem haldið var í janúar sl. leiddi í ljós að ráða þyrfti tónlistarstjóra safnaðarins.

Listanefnd leggur ekki til að sinni að ráðinn verði tónlistarstjóri safnaðarins. Í staðinn leggur listanefnd til að Hjörleifur Valsson verði með formlegum hætti beðinn um að taka að sér að vera faglegur ráðgjafi tónlistarmála sem tilraunaverkefni til næstu tveggja ára frá og með 1. maí 2016 og móta það enn frekar í samráði við presta, safnaðarstjórn og listanefnd.

Kostnaðaráætlun liggur fyrir og hefur verið send safnaðarstjórn. Gert er ráð fyrir að í fjárhagsáætlun fyrir yfirstandandi ár sé rými fyrir þessu. Tilraunaverkefni þetta verður endurskoðað af listanefnd, safnaðarstjórn og sóknarpresti í samráði við tónlistarlegan ráðgjafa fyrir aðalfund 2017. Tónlistarlegur ráðgjafi skili skýrslu um kirkjutónlistarmál sem lögð verði fyrir aðalfund 2017.

Greinagerð.

Íslenski söfnuðurinn í Noregi sinnir þjónustuhlutverki meðal Íslendinga um allan Noreg og því er mikilvægt að móta sértæka leið er varða tónlistarmál safnaðarins. Í helgihaldi þ.e.a.s. messum og athöfnum eru verkefnaráðnir organistar og annað tónlistarfólk sem er staðsett þar sem helgihaldið fer fram. Þetta hefur gefist vel. Íslenskir kórar eru nú starfandi í Ósló, Bergen og Þrándheimi og hafa þeir verið fengnir til að leiða tónlist í messum á hverjum stað fyrir sig og hafa jafnframt sungið víðar, aðallega á aðventu. Það þykir ekki við hæfi að ganga framhjá þeim organistum sem ráðnir eru til þeirra kirkna sem fengnar eru að láni víðsvegar um landið. Því er það mat listanefndar eftir vinnufundi, umræður og örpung að það henti ekki söfnuði sem þessum að ráða organista í fullt starf eins og venja er með staðbundna söfnuði. Eins eru kórnir um landið ekki kirkjukórar í eiginlegri merkingu, heldur sjálfstæðir og verkefnaráðnir af söfnuðinum.

Mikil vinna og utanum hald hefur hingað til hvílt á prestum safnaðarins. Það fyrirkomulag krefst þess að prestar hafi haldbæra þekkingu á sviði tónlistar svo vel megi vera. Faglegur ráðgjafi



tónlistarmála myndi hafa það hlutverk að sinna tónlistarlegri ráðgjöf, umsjón og þjónustu við helgihald, athafnir og messur. Samskipti og ráðgjöf beinast þá aðallega að prestum, kórstjórum, organistum, einsöngvurum, öðru tónlistarfólki sem og aðstandendum athafna. Ósk hefur borist frá Stavanger um að virkja söngfólk á staðnum til kórstarfs sem faglegur ráðgjafi hefði aðkomu að. Hvetja og styðja mætti til söngs og kórstarfs á fleiri stöðum úti á landi.

Í þessu samhengi er hlutverk presta að koma að sálmaðali og vera í samráði varðandi annan tónlistarflutning en ekki bera ábyrgð á skipulagi og framkvæmd kirkjutónlistar. Það er í samræmi við hefðbundna aðkomu presta að tónlistarlífi safnaða.

Tónlistarmál safnaðarins hafa ekki áður verið til skoðunar, þrátt fyrir að söfnuðurinn hafi stækkað ört á stuttum tíma og verkefni á sviði tónlistar vaxið í sama takti. Til þess að mæta þessari breytingu þykir listanefnd rétt að fara hægt í sakirnar. Tónlist er gífurlega mikilvægur þáttur í öllu helgihaldi og þar með boðun trúar. Verður vart séð að hægt sé að halda áfram með núverandi fyrirkomulag og því lagt til að um tilraunarverkefni sé að ræða svo nægur tími gefist til að koma tónlistarmálunum í góðan farveg.

Niðurstaða listanefndar er sú að söfnuðurinn eigi að þiggja áframhaldandi þjónustu Hjörleifs Valssonar fiðluleikara til að koma að og móta til framtíðar kirkjutónlistarmál safnaðarins og leggur því fram ofangreinda tillögu.

Hjörleifur Valsson óskaði eftir því að sitja hjá er tillaga þessi var unnin.